

KAKO UKLJUČITI ORGANIZACIJE CIVILNOG DRUŠTVA (OCD) U PROJEKTE IZRADA PRAVNIH PROPISA

KORISNI SAVJETI ZA USPJEŠNO UKLJUČIVANJE U PROCES

Uključivanje civilnog društva pozitivno će uticati na izradu novih pravnih propisa i zakona. Ovdje je navedeno nekoliko korisnih savjeta za uspješno upravljanje procesom:

Ustanovite potrebe i mogućnosti za uključjenje OCD-a još u fazi izrade godišnjeg operativnog plana. Neka vaši planovi za buduće projekte izrade pravnih propisa budu dostupni OCD-u na web stranici ministarstva.

Uključite OCD u najranijoj fazi procesa. Ne čekajte da nacrt dokumenta bude završen – uključite ih u fazi kada Radna grupa tek prikuplja ideje. Međutim, imajte u vidu da očekivanja i ciljevi uključivanja OCD-a, kao i vremenski okvir izrade nacrta pravnih propisa, trebaju biti jasno naznačeni. Svi ovi detalji trebaju biti navedeni u planu uključivanja OCD-a koji izrađuje Radna grupa.

Pronađite OCD-e koji imaju stručnost i iskustvo u specifičnoj oblasti. Informacije možete dobiti u kontaktu sa državnim koordinаторom za civilno društvo/OCD, koordinаторom za dati sektor ili ministarstvo i/ili iz različitih izvora koji posjeduju informacije o aktivnim OCD-ima (npr. OCD mreže, akademska zajednica, kolege). Imajte na umu da baze podataka civilnog društva brzo zastarjevaju, ali i to da će vam nekoliko telefonskih poziva biti dovoljno da prikupite korisne kontakte.

Pozovite OCD-e da učestvuju u radu Radne grupe, bilo kao aktivni članovi ili kao posmatrači.

- Ako je uključena veća grupa predstavnika OCD-a, zamolite ih da izaberu jednog predstavnika koji će zastupati sve njih.
- Uspjeh sudjelovanja OCD-a u izradi nacrta pravnih propisa ovisit će o strukturi i toku diskusija.
- Voditelj Radne grupe je odgovoran za blagovremeno dostavljanje dnevnog reda, prijedloga i nacrta dokumenata svim uključenim OCD-ima ili izabranom predstavniku OCD-a.
- Bilježite zaključke svakog sastanka i obavjestite OCD o narednim koracima.

Tražite komentare i mišljenje OCD-a o preliminarnom nacrtu zakona. U vašem zahtjevu za dostavljanje komentara u pisanoj formi jasno navedite očekivanja, vremenski rok, te da li se od OCD-a traži zasebni ili koordinirani, tj. zajednički stav. Uključite komentare u nacrt zakona i ukoliko preporuke OCD-a nisu uključene dostavite objašnjenje.

Obavite formalne konsultacije u izradi nacrta zakona, kako je predviđeno Pravilima za konsultacije u izradi pravnih propisa Vijeća ministara BiH:(vidi <http://mpr.gov.ba/bs/str.asp?id=224>).

Ocijenite iskustvo stečeno uključivanjem OCD-a. Radna grupa bi trebala da ocijeni iskustvo i zatraži mišljenje OCD-a o iskustvu sudjelovanja u ovakvom procesu. U tome bi se trebali voditi slijedećim pitanjima: Koje su prednosti uključivanja OCD-a? Na koji način biste poboljšali naredne konsultacije sa OCD-om? Kako produbiti dobre odnose koji su uspostavljeni sa OCD-ima tokom ovog procesa? Da li bi OCD mogao imati ulogu u implementaciji, monitoringu i evaluaciji propisa/zakona? Da li bi OCD mogao imati ulogu u nekim drugim aktivnostima?

